

Malifalensi a Kabuku ka Msonkhano wa Utumiki Komanso Moyo Wathu Wachikhristu

NOVEMBER 1-7

**CHUMA CHOPEZEKA M'MAWU A MULU-
NGU | YOSWA 18-19**

**“Yehova Anachita Zinthu Mwanzeru
Pogawa Malo”**

it-1 359 ¶1

Malire

Choncho zikuoneka kuti panali zinthu ziwiri zimene anayendera pogawira malo mafuko. Zinthu zake zinali kuchita maere komanso kukula kwa fuko. Maere ankangowathandiza kudziwa mbali imene fuko liyenera kupatsidwa munga cholowa chake. Anawathandiza kudziwa ngati fukolo likuyenera kupatsidwa kumpoto, kum'mwera, kum'mawa, kumadzulo, kuchigwa kapena kudera lamapiri. Zotsatira za maerewo zinkachokera kwa Yehova. Zimenezi zinkathandiza kuti mafukowo asamachitirane nsanje kapena kukangana. (Miy 16:33) Komanso pogwiritsa ntchito njira imeneyi, Mulungu anayendetsa zinthu m'njira yakuti zigwirizane ndi ulosi wa pa Genesis 49:1-33 wokhudza mafuko a Aisiraeli umene Yakobo ananena atatsala pang'ono kumwalira.

it-1 1200 ¶1

Cholowa

Cholowa cha malo. Cholowa cha ana Aisiraeli chinaperekedwa ndi Yehova ndipo anamuza Mose mmene malire ake adzayendere. (Nu 34:1-12; Yos 1:4) Mose ndi amene anagawira malo ana a Gadi, ana a Rubeni ndi hafu ya fuko la Manase. (Nu 32:33; Yos 14:3) Pomwe mafuko enawo, Yoswa ndi Eleazara ndi amene anawagawira cholowa chawo mwa kuchita maere. (Yos 14:1, 2) Mogwirizana ndi ulosi wa Yakobo wopezeke pa Genesis 49: 5, 7, Simiyoni ndi Levi sanapatsidwe gawo la-

padera munga cholowa chawo. Cholowa cha Simiyoni chinali (midzi yomwe inali) pakati pa gawo la Yuda (Yos 19:1-9), pomwe Levi anapatsidwa mizinda 48 kuzungulira dziko lonse la Isiraeli. Popeza kuti Alevi anapatsidwa utumiki wapadera wa ku malo opatulika, Yehova ndi amene anali cholowa chawo. Iwo ankalandira chakhumi munga gawo lawo kapena cholowa chawo chifukwa cha utumiki umene ankachita. (Nu 18:20, 21; 35:6, 7) Banja lili lonse linkapatsidwa utumiki m'gawo la fuko lawo. Mabanja akamachuluka, ana aamuna n'kumapatsidwa cholowa chawo, malowo ankagawidwa m'zigawo zing'onozing'ono.

it-1 359 ¶2

Malire

Pambuyo poti maere asonyeza mbali imene fuko liyenera kupatsidwa, ankafunika kudziwa kukula kwa malo amene fukolo liyenera kukhala nawo ndipo njira yachiwiri ija ndi imene inkawathandiza. “Mukagawire dzikolo kwa mabanja anu munga cholowa chanu mwa kuchita maere. Banja la anthu ambiri mukaliwonjezere cholowa chawo, ndipo banja la anthu ochepa mukalichepetsere cholowa chawo. Malo alionse amene maere akagwere banja, akapatsidwe kwa banjalo.” (Nu 33:54) Malo amene maere anasonyeza kuti fuko likuyenera kupatsidwa sankasintha, koma kukula kwa malo amene fuko lingakhale nawo kunkatha kusinthidwa. Choncho zitaoneka kuti malo amene fuko la Yuda linapatsidwa ndi aakulu, anachotsako magawo ena n'kuwapereka kwa fuko la Simiyoni.—Yos 19:9.

Mfundo Zothandiza

it-1 359 ¶5

Malire

Nkhani yokhudza kugawa malo kumadzulo kwa Yorodano imasonyeza kuti choyamba,

maere omwe anagwera Yuda (Yos 15:1-63), Yosefe (Efuraimu) (Yos 16:1-10), komanso hafu ya fuko la Manase omwe ankakhalala kumadzulo kwa Yorodano (Yos 17:1-13) anali otsimikizirika, koma malire ndi mizinda yawo inali yowerengeka. Pambuyo pa zime-nezi, zikuoneka kuti ntchito yogawa malo inasokonekera kaye, chifukwa msasa wa Aisiraeli unachoka ku Giligala n’kupita ku Silo. (Yos 14:6; 18:1) Kutalika kwa nthawi imene zimenezi zinachitika sikudziwika, koma kenako Yoswa anadzudzula mafuko 7 otsalawo chifukwa cha kuzengereza kwawo kukalanda dzikolo. (Yos 18:2, 3) Pali zifukwa zosiyanasiyana zimene zinafotokozedwa kuti mwina ndi zomwe zinachititsa mafuko 7wa kuchita zime-nezi. Anthu ena amanena kuti kuchuluka kwa zinthu zomwe anapeza atagonjetsa mitundu yoyambirira, komanso chifukwa choti Akanani sankapereka chiopsezo chilichonse choti angawaukire, ndi zomwe zinachititsa kuti mafukowa asaone kufunika kolanda mwamsanga gawo la dziko limene linatsalalo. Mphwayi zomwe anachita posafuna kukalimbana ndi adani awo omwe anali amphamvu, ndi zomwe zinachititsa kuti azengereze kukalanda dzikolo. (Yos 13:1-7) Komanso, ankadziwa zochepa zokhudza gawo la Dziko Lolonjezedwa lomwe linatsala kusiyana ndi zomwe ankadziwa zokhudza gawo limene anali atalanda kale.

NOVEMBER 8-14

CHUMA CHOPEZEKA M’MAWU A MULUNGU | YOSWA 20-22

Mfundo Zothandiza

it-1 402 ¶3

Kanani

Ngakhale kuti Akanani ambiri anapulumuka m’manja mwa Aisiraeli ndipo sanagonjetse-

dwe, tinganenebe kuti “Yehova anapatsa Aisiraeli dziko lonse limene analumbira kuti adzapatsa makolo awo,” komanso anawapatsa “mpumulo pakati pa adani awo onse owazungulira,” ndipo “palibe lonjezo ngakhale limodzi limene silinakwaniritsidwe, pa malonjezo onse abwino amene Yehova analonjeza nyumba ya Isiraeli. Onse anakwaniritsidwa.” (Yos 21:43-45) Adani onse a Aisiraeli omwe anawazungulira ankakhalala mwamantha, ndipo Aisiraeliwo sankapo chilichonse kuchokera kwa adani awowo. Mulungu anali ataneneratu kuti adzathamangitsa Akanani “pang’onopang’ono” kuopera kuti zilombo zakutchire zingachulukane ndi kuwavutitsa. (Eks 23:29, 30; De 7:22) Ngakhale kuti Akanani anali ndi zida zankhondo zamphamvu zomwe zinkaphatikizapo magaleta ankhondo okhala ndi zitsulo zazitali zakuthwa za m’mawilo, silikanakhala vuto la Yehova kuti walephera kukwaniritsa lonjezo lake ngati Aisiraeli akanalephera kulanda maderana ena amene ankafunika kulanda. (Yos 17:16-18; Owe 4:13) M’malomwake, Baibulo limasonyeza kuti Aisiraeli analephera kugonjetsa adani awo ena chifukwa cha kusakhulupirika kwawo.—Nu 14:44, 45; Yos 7:1-12.

NOVEMBER 15-21

CHUMA CHOPEZEKA M’MAWU A MULUNGU | YOSWA 23-24

“Mawu Omaliza Amene Yoswa Analimbikitsa Nawo Mtundu wa Aisiraeli”

it-1 75

Mgwirizano

Zinthu zinanso zinachitika pamene mtundu wa Isiraeli unkalowa m’Dziko Lolonjezedwa la Kanani. Mulungu yemwe ndi Wolamulira Wamkulu anapereka ufulu wonse wokhudza dzikolo kwa

Aisiraeli monga mmene analonjezera makolo awo. Choncho iwo sankalowa m'dzikolo ngati alendo, komanso Yehova anawaletsa kuchita mgwirizano ndi mitundu yosalambira Mulungu yomwe inali m'dzikolo. (Eks 23: 31-33; 34:11-16) Ankafunika kumvera mfundo komanso malamulo a Mulungu yekha, osati a mitundu imene inali itatsala pang'ono kuwonongedwayo. (Le 18:3, 4; 20:22-24) Iwo anachenjezedwanso mwapadera kuti asamachite mgwirizano wa ukwati ndi anthu a mitundu imeneyo. Migwirizano imeneyi ikana-wachititsa kuti azipanga zinthu limodzi ndi akazi achikunja amene akanawakwatirawo komanso achibale awo, omwe ankambira milungu yonyenga komanso anali ndi zikhali-dwe zawozawo, ndipo zimenezi zikanawachititsa kuti ayambe mpatuko komanso ukanakhala msampha kwa Aisiraeliwo.—De 7:2-4; Eks 34:16; Yos 23:12, 13.

DECEMBER 13-19

CHUMA CHOPEZEKA M'MAWU A MULUNGU | OWERUZA 8-9

Mfundo Zothandiza

it-1 753 ¶1

Efodi, I

Ngakhale kuti Gidiyoni anali ndi maganizo abwino ofuna kusangalala komanso kutamanda Yehova chifukwa choti anawathandiza kupambana, efodi anakhala “msampha kwa Gidiyoni ndi nyumba yake,” chifukwa Aisiraeli anachita tchimo poyamba kulambira chovala cha efodicho. (Owe 8:27) Komabe, Baibulo silimanena kuti Gidiyoni nayenso analambira nawo chovalachi, koma m'malomwake, mtumwi Paulo anamutchula mwapadera kuti anali mmodzi mwa 'mtambo waukulu' wa Akhristu okhulupirika akale a Yehova.—Ahe 11:32; 12:1.

DECEMBER 20-26

CHUMA CHOPEZEKA M'MAWU A MULUNGU | OWERUZA 10-12

“Yefita Anali Munthu Wauzimu”

it-2 27 ¶2

Yefita

Yefita, yemwe anali munthu wachangu pochita zinthu, sanali wolamulira wankhanza. Iye anatumiza uthenga kwa mfumu ya Aamoni wonena kuti Aamoniwo ndi amene analowa m'dziko la Isiraeli kuti akalilande. Koma mfumuyo inayankha kuti ndi Aisiraeli amene analanda dzikolo kwa Aamoni. (Owe 11:12, 13) Pamenepa, Yefita anasonyeza kuti sanali munthu waukali kapena msilikali wopanda mwambo, koma ankaphunzira zinthu za mbiri yakale komanso zimene Yehova ankachita ndi anthu ake. Iye anatsutsa Aamoni ponena kuti (1) Aisiraeli sanalande dziko la Amoni, Mowabu kapena Edomu (Owe 11:14-18; De 2:9, 19, 37; 2Mb 20:10, 11); (2) Aamoni anali asanatenge dziko limene ankakanganiranalo chifukwa pa nthawi imene Aisiraeli ankalignonjetsa, linali lili m'manja mwa Aamori Achikanani ndipo Mulungu anali atapereka mfumu yawo Sihoni komanso dziko lake m'manja mwa Aisiraeli; (3) Aamoni anali asanakangane-po ndi Aisiraeli chifukwa cha malo awo kwa zaka 300 m'mbuyo mwake, ndiye n'chifukwa chiyani ankachita zimenezo pa nthawi imeneyo?—Owe 11:19-27.

it-2 27 ¶3

Yefita

Yefita anasonyeza kuti nkhanayi inali yaikulu ponena kuti inkakhudzana ndi kulambira. Iye anafotokoza kuti Yehova Mulungu ndi amene anapereka dzikolo kwa Aisiraeli ndipo chifukwa cha zimenezi, iwo sangalipe-reke m'pang'ono pomwe kwa anthu amene

amalambira milungu yonyenga. Iye ananena kuti Kemosi ndi mulungu wa Aamoni. Ena amanena kuti pamenepa analakwitsa. Koma ngakhale kuti Aamoni mulungu wawo anali Milikomu, komanso Amowabu mulungu wawo anali Kemosi, mitunduyi inkalambira milungu inanso yambirimбири. Nayenso Solomo analakwitsa poyambitsa kulambira Kemosi mu Isiraeli chifukwa cha akazi ake achilendo. (Owe 11:24; 1Mf 11:1, 7, 8, 33; 2Mf 23:13) Komanso mogwirizana ndi zimene akatswiri ena amanena, dzina lakuti “Kemosi” lingatanthauze “Wogonjetsa.” N’kutheka kuti Yefita ankadziwa za mulunguyu chifukwa cha mmene Aamoni ankamuonera kuti ankatha ‘kugonjetsa’ adani awo n’kuwapatsa malo a adani awowo.

Mfundo Zothandiza

it-2 26

Yefita

Yefita Sanali Mwana Wapathengo. Yefita, “mayi ake anali hule,” koma zimenezi sizikuntanthauza kuti Yefita anabadwira pathengo. Mayi akewa **anali** hule asanakhale mkazi wachiwiri wa Giliyadi, monga mmene zinalili ndi Rahabi kuti poyamba anali hule koma kenako anakwatiwa ndi Salimoni. (Owe 11:1; Yos 2:1; Mt 1:5) Mfundo yakuti Yefita sanali mwana wapathengo inaonekera bwino pamenepa azichimwene ake obadwa kwa mkazi woyamba wa bambo ake anamuthamangitsa kuti asalandire nawo cholowa. (Owe 11:2) Kenako Yefita anakhala mtsogoleri wa amuna a ku Giliyadi (ngakhale zinkaoneka kuti azichimwene akewo ndi amene anali oyenerera). (Owe 11:11) Kuwonjezera pamenepo iye anapereka nsembe kwa Mulungu ku chihema. (Owe 11:30, 31) Sizikanatheka kuti mwana wapathengo achite zonsezi, chifukwa chilamulo cha Mulungu chinkanena

momveka bwino kuti: “Mwana wapathengo asalowe mumpingo wa Yehova. Ana ake asalowe mumpingo wa Yehova kufikira m’badwo wa 10.”—De 23:2.

